

羯磨名字是羯磨從闡諍相言邊出應語是比丘衆僧後當籌量汝事又問出尊依止羯磨有何義答此是羯磨名字是但數作衆罪衆僧應語是人汝當依止某甲比丘在問世尊驅出羯磨有何義答此是羯磨名字是羯磨汙他家比丘邊出應語是人汝出去莫是

中住優波離問佛破慢羯磨有何義答此是

羯磨名字是羯磨從輕罵白衣邊出應語是人汝應向某甲居士悔過

優波離問如佛所說汝應依止某甲比丘住此說有何義佛言隨是罪比丘深心愛念恭敬者畏難者應依止是比丘住又問如佛所

說言衆僧後當籌量此說有何義云何籌量答應語言汝若有罪應入僧中三自首僧當隨罪治汝是名籌量問若比丘語兩眼人言汝是一眼人得何罪答故妄語故得波逸提又問語一眼人言汝瞎眼人得何罪答輕惱他故得波逸提

問如佛所說比丘若內若外輕惱他是中云何內云何外答內者界內外者界外復次舍內名內靈地名外問如佛所說阿利吒比丘揭馱婆羅門本弟子說遮道法作不遮法問云何是遮法答我說欲是遮法優波離問謂之四竟

十誦律卷第五十四

廿四

慣闊上俱
蘇感下反
機案上俱
反就下反
蝦蟆上俱
反繖繖下反
水蛭上俱
下知曉下反
火燭上俱
縫下反
眼上俱
許下反

廿末

十誦律卷第五十五

廿五

姚秦藏弗若多羅共三藏鳩摩羅什譯

善誦第十誦之一

佛在王舍城語諸比丘十種明具足戒何等十佛世尊自然無師得具足戒五比丘得道即得具足戒長老摩訶迦葉自誓即得具足

戒蘇陀隨順答佛論故得受具足戒邊地持
律第五得受具足戒摩訶波闍波提比丘尼
受八重法即得具足戒半迦尸尼遣使得受
具足戒佛命善來比丘得具足戒歸命三寶
已三唱我隨佛出家即得具足戒白四羯磨
得具足戒是名十種具足戒三種得具足戒
一善來作比丘二歸命三唱三白四羯磨於
是中若未結白四羯磨若人歸命三唱我隨
佛出家是善受具足戒若結白四羯磨後歸
依三唱出家不名得具足戒善來作比丘若
結白四羯磨前若結白四羯磨後皆善來得
具足戒何以故佛法王自與受戒無有在學
地命終故諸比丘尼三種得受具足戒一受
八重法二遣使三白四羯磨是中受八重法
初一人得後不得遣使者如半迦尸尼得若
有欲出家道路障礙相似亦得是使人衆僧
中受羯磨不多不少向半迦尸尼說亦說三
依止應說受戒歲月時節亦應廣說八波羅

夷法如是名得具足戒若不如是不得具足
戒可受具足戒者若男子女人無遮受戒法是
名可受具足戒不可受具足戒者若男子女
人有遮法無和尚阿闍梨無衣鉢不能男汙
比丘尼殺父母殺阿羅漢破僧惡心出佛身
血如是人不可受具足戒若受戒汙衆僧與
受戒者得突吉羅若人諸根具足無障礙某
種姓某名字某事業衆僧一心如法和合問
無遮受戒法已然後與受戒如蘇陀等如法
得受具足戒於是中十三人先來不得具足
戒殺父殺母殺阿羅漢破僧惡心出佛身血
先破戒賊住比丘先來白衣不能男汙比丘
尼越濟人滅羯磨人及非人如是等名汙衆
僧人不得受戒與受戒者得罪是名善受具
足戒法

有二種羯磨一治罪羯磨二成善羯磨治罪
羯磨者謂苦切羯磨依止羯磨驅出羯磨下
意羯磨擯羯磨如是苦惱羯磨是名治罪羯

廿五

磨成善羯磨者謂受戒羯磨布薩羯磨自恣
羯磨出罪羯磨布草羯磨如是等能成善法
羯磨是名成善羯磨羯磨事者隨所從因緣滅
作羯磨是名羯磨事遮羯磨者若羯磨時不
如法作白不如法唱說別眾非法可壞是名
遮羯磨不遮羯磨者若羯磨時如法作白如

法唱說和合衆如法不可壞是名不遮羯磨
出羯磨者諸比丘語擯比丘言汝已被舉出
去僧不得與汝同事何以故僧已作羯磨汝
今出去是名出羯磨捨羯磨者擯比丘僧還
與解擯還共作羯磨同事共住是名捨羯磨
苦切事者若比丘喜鬭亂諍訟僧因是故作
苦切羯磨是名苦切出罪事者三種出罪事
若見若聞若疑是三種事應以時出莫以非
時當以實出莫以妄語當以益利出莫以無
益當更語出莫以惡口以慈悲心出莫以瞋
恨因緣事者隨所從因緣作羯磨是名因緣
事如跋陀婆羅經中廣說五攝語治事者四

種羯磨名爲治事謂苦切羯磨依止羯磨驅
出羯磨下意羯磨除滅事者隨所從因緣滅
鬪諍亂事是人得心悔折伏恭敬禮拜軟語
問訊捨離本事是名除滅事學者三學善戒
學善心學善慧學是名爲學還戒者若比丘
言我捨佛捨法捨僧捨戒捨和尚阿闍梨捨
同和尚同阿闍梨捨比丘比丘尼式叉摩尼
沙彌沙彌尼汝等當知我是白衣若沙彌我
非比丘非沙門非釋子乃至言我不喜與汝
等共住是名還戒不捨戒者若狂人捨戒不
名捨戒若散亂心病壞心捨戒不名捨戒若
向狂人散亂心人病壞心人捨戒不名捨戒
若獨捨戒若獨非獨想若非獨想捨戒不
名捨戒若中國人向邊地人若邊地人向中
國人捨戒不相解語不名捨戒若向瘡人瘡
人瘡聾人不智人非人睡眠人入定人捨戒
若隔障若自瞋若向瞋人捨戒若夢中捨戒
若不決定心捨戒若人不了其語若前人不

廿五

三

決定知捨是皆不名捨戒是名不捨戒戒羸者若比丘愁憂不樂比丘法欲惡厭比丘法欲墮聖相欲立白衣相須在家法不須比丘法求白衣法作是言我憶念父母兄弟姊妹妻子速教我世間諸巧便事教我令得世間安隱住處囑累我令得善知識是比丘愁憂不樂比丘法乃至求白衣法如是言說音聲慚愧故不欲了了向人說我反戒是故名戒羸戒羸不出者不令他人了知諍事者云何是諍事有四種諍事相鬪諍事無事諍犯罪謹常所行諍是名爲諍事正取事者隨事起因緣正取其實是名正取事滅事者七滅事法現前滅事法憶念滅事法不癡滅事法自言滅事法實覓滅事法多覓滅事法如草布地滅事法是名滅事除滅事者有五因緣事則易滅是事白僧用佛語斷二部伴黨共軟語諍訟比丘瞋恨心折有罪比丘可出若事有此五因緣則易除滅是名除滅事說者若

布薩說戒時若說四事若說十三事等是名說不說者若住處布薩說戒時上座不聞不誦次第二上座應說若復不聞不誦第三上座應說如是展轉一切皆不聞不誦故不說是名不說獨住法者若比丘獨阿蘭若處十五日布薩時應灑掃塔寺布薩處及中庭次

廿五

四

第敷坐應求火爐然燭應辦籌若客比丘未布薩者求應共作布薩說戒若無比丘來應高上遙望若遙見比丘喚言速來今是布薩日若不見是比丘還坐處坐應心念口言今衆僧布薩若十四日若十五日我某甲亦布薩若十四日若十五日是比丘如是作名得布薩是名獨住法癡羯磨者若比丘狂心顛倒或來布薩或不來或來衆會或不來或來羯磨或不來是比丘應以白二作癡羯磨廣說如施越比丘是名癡羯磨不癡羯磨者除癡羯磨餘諸羯磨名不癡羯磨不消供養者施與持戒人持戒人轉與破戒人是名不消

施與正見人正見人轉與邪見人是名不消
 若過度用是名不消供養十種不現前羯磨
 者覆鉢羯磨仰鉢羯磨作學家羯磨捨學家
 羯磨治僧伽藍羯磨監僧伽藍民羯磨使沙
 彌羯磨不禮拜羯磨不共語羯磨不供養羯
 磨是名十種不現前羯磨非羯磨者若應四
 衆作羯磨而減四衆是不名作羯磨若白衣
 作第四人若沙彌非比丘外道不見擯不作
 擯惡邪不除擯不共住種種不共住自言犯
 重罪先來白衣汙比丘尼不能男殺父母阿
 羅漢破僧惡心出佛身血如是等作第四人
 是不名作羯磨若應五衆作羯磨而減五衆

廿五

五

若白衣作第二十人若沙彌非比丘外道不
 見擯不作擯惡邪不除擯不共住種種不共
 住自言犯重罪先來白衣汙比丘尼不能男
 殺父母殺阿羅漢破僧惡心出佛身血如是
 等作第二十人是不名作羯磨善者如毗尼
 中廣說善法出罪者有五種如法出罪不向
 不共住人別住人未受具足戒人出罪出殘
 罪出見罪是名如法出罪白者白衆是事故
 共住種種不共住自言犯重罪先來白衣汙
 比丘尼不能男殺父母殺阿羅漢破僧惡心
 出佛身血如是等作第五人是不名作羯磨
 若應十衆作羯磨而減十衆作羯磨是不名
 作羯磨若白衣作第十人沙彌非比丘外道
 不見擯不作擯惡邪不除擯不共住種種不
 共住自言犯重罪先來白衣汙比丘尼不能
 男殺父母殺阿羅漢破僧惡心出佛身血如
 是等作第十人是不名作羯磨若應二十衆
 作羯磨而減二十衆作羯磨是不名作羯磨

羯磨并白爲四是名白四羯磨佛言白羯磨若離白作是則可壞白二羯磨若離白作是可壞若白不唱說若唱說不白亦可壞白四羯磨若離白作是則可壞若白不三唱說若三唱說不白亦可壞白羯磨若以白作是不可壞白二羯磨者若先白已唱說是不可壞

白四羯磨者若先白已三唱說是不可壞如是等諸羯磨皆應以是聞知或有重說羯磨無罪若減不名作羯磨若和合衆僧中若白未唱說若唱說不白衆僧從座起去應語衆言諸長老還和合應更作白唱說若具足是事作羯磨墮不可壞中是名羯磨苦切折伏

廿五

六

羯磨者爲鬪諍相言比丘以白四作苦切羯磨是名苦切羯磨依止羯磨者爲喜作罪比丘以白四作依止羯磨是名依止羯磨驅出羯磨者爲汙他家比丘以白四作驅出羯磨是名驅出羯磨下意羯磨者爲罵白衣比丘以白四作下意羯磨是名下意羯磨不見擯

廿五

比丘十三事中得一一罪覆藏隨覆藏日以白四作別住羯磨是名作別住羯磨摩那埵羯磨者若比丘十三事中得一一罪不覆藏僧以白四作六夜摩那埵羯磨本日治羯磨者若比丘六日行摩那埵中更得僧伽婆尸沙罪是比丘衆僧還以本日治以白四本日治羯磨是名本日治羯磨出罪羯磨者若比丘得僧伽婆尸沙罪行摩那埵竟衆僧心悅以白四作出罪羯磨令出不善法是名出罪羯別磨問何故善法中住答爲摩那埵故問何故本日治答爲折伏心故問何故摩那埵答爲出罪故問何故出罪答爲戒清淨故問何

以故別住爲摩那埵答是比丘行別住法能令諸比丘心悅諸比丘發心思惟欲與摩那埵問何以故本日治爲折伏心答若還從本日行是事令心折伏諸比丘作是念是人結使厚重以本日治令慚愧更不復作爾時諸比丘發心與摩那埵是故名本日治爲折伏心故問何以故行摩那埵爲出罪答是比丘行摩那埵法時能令諸比丘心悅諸比丘作是念長老一心好作善法欲出是罪不欲違逆我等當令人得從罪出是故名摩那埵爲出罪故問何以故出罪爲戒清淨答是比丘若得出罪離諸罪得持清淨戒如毗尼中說二人清淨一人先不作罪一人作罪已如法除滅二俱清淨是比丘以出罪羯磨故還得清淨戒是故名以出罪爲戒清淨故覓罪相羯磨者若比丘自言我犯是罪後還言我不作衆僧與是人覓實罪相羯磨廣說如象手比丘覓實罪相羯磨阿跋提者五種罪名

阿跋提何等五種謂波羅夷僧伽婆尸沙波逸提波羅提提舍尼突吉羅於此五種罪比丘若作若覆障不遠離是名阿跋提無阿跋提者波羅夷僧伽婆尸沙波逸提波羅提提舍尼突吉羅是五種罪不作不覆障遠離淨身口業淨命若狂人病壞心人散亂心人作罪若不先作是名無阿跋提罪輕阿跋提罪者可懺悔即覺心悔是名輕阿跋提罪重阿跋提罪者若罪可以羯磨得出者是名重阿跋提罪殘阿跋提罪者五種罪中後四種罪可除滅是名殘阿跋提罪無殘阿跋提罪者五種罪中初種是名無殘阿跋提惡罪者謂波羅夷僧伽婆尸沙雖一切罪皆名惡此是惡中之惡故名惡罪非惡罪者波逸提波羅提提舍尼突吉羅是非惡罪可治罪者可出可除滅是名可治罪不可治罪者不可出不可除滅是名不可治罪若犯罪者若四若五法中作是念信是罪如法滅若犯罪者若四

若五法中不作是念不信是罪不如法滅攝
罪者以一因緣故盡攝所犯所謂惡律儀攝
無罪者以一因緣故攝一切不犯所謂行善
律儀故以一因緣故說一切罪所謂惡律儀
以一因緣故說一切無罪所謂善律儀語者
比丘應語長老汝作某罪是罪當發露莫覆

藏當如法除滅是名爲語憶念者比丘應語
長老汝憶念某時某處作如是罪不是名憶
念說事羯磨者汝長老於此處不白我等不
得餘處去是名說事羯磨薩耶羅羯磨者有
五種比丘語餘比丘言長老聽我語是事應
此處作薩耶羅餘事當彼間作薩耶羅某事

求聽與聽者應五種與聽說來語來憶念來
出來聽汝來是名與聽用聽者以是聽如法
出他事是名用聽遮波羅提木又者有十種
如法遮波羅提木又說波羅提木又時若比
丘犯波羅夷者若欲出波羅夷事若輕呵僧
欲出輕呵僧事若捨戒若欲出捨戒事若比
丘不隨順如法僧事若見聞疑他破戒事若
見聞疑他有破正見事若見聞疑他有破威
儀事故遮是名事故遮波羅提木又遮自恣
者四種如法遮自恣以有根破戒遮自恣以
有根破正見破正命破威儀遮自恣是名四
種如法遮自恣內宿者若以羯磨結淨地已

僧坊內宿飲食大比丘不應食故名內宿內
熟者以羯磨結淨地已僧坊內煮飲食大比
丘不應食故名內熟自熟者若大比丘自作
飲食不應食如佛在毗耶離儉時諸檀越欲
與僧作飲食作是念若我自舍作飲食多諸
知識親里來皆應與分若佛聽僧坊內作者

我當作佛即聽近僧坊外作是火起烟塵多
人來索若與則不供若不與恐來傷害往白
佛佛言聽汝僧坊內作僧坊內作時諸沙彌
守園人先自食飽滿餘殘與僧僧食不足故
皆疲極羸瘦是事白佛佛言從今日如是飢
餓時若結淨地若未結聽大比丘自作自食

從今日若非飢餓時結淨地已二事不應用
謂內宿內熟不應食若結淨地若不結大比
丘自作飲食不應食若食者犯突吉羅是故
說名自熟惡捉者若持淨戒比丘故自取食
大比丘不得食是名惡捉不受者若男若女
若黃門若二根人不授與大比丘不應食是
名不受惡捉受者若大比丘先自取然後從
淨人受大比丘不應食是故名惡捉受初日
受者如佛在毗耶離飢餓時飲食難得語諸
比丘從今日如是飢餓時聽汝若食竟不受
殘食法初日受食聽汝食初日受食者若比
丘早起從他受飲食未食留置食後食是名

初日受食從是出者如佛在毗耶離語諸比
丘從今日如是飢餓時從是出食聽汝食從
今聽諸比丘食竟若不受殘食法從是出食
應食從是出者諸比丘所從檀越家食已從
是家中持食出是名從是出食木果者如雞
尼耶結髮梵志多持木果來詣佛所與佛佛
廿五

+

語雞尼耶與衆僧作分是人即與諸比丘諸
比丘不受作是言我等食已竟佛言從今日
如是飢餓時食已雖不受殘食法聽汝食木
果木果者胡桃栗捺婆陀摩如是等木果是
名木果池物者舍利弗熱血病發諸藥師教
食池物舍利弗言佛未聽我等食池物是事
白佛佛言從今日聽食池物目犍連以神通
力曼陀耆尼池中多持大藕根來大如人髀
香美第一如淨白蜜若折乳汁流出持與舍
利弗舍利弗問何處得來答言曼陀耆尼池
中得來舍利弗言是非人處誰授汝耶答非
人授我舍利弗言佛未聽我等從非人受食

是事白佛佛言從今日聽從非人受食食如
是藕等池物多煮多食多殘以是餘與諸比
丘諸比丘不食作是言我等食竟不受殘食
法是事白佛佛言從今日如是飢餓時雖不
受殘食法聽食池物池物者藕根藕子菱芡
根雞頭子等是名池物受者受迦織那衣處

得七種利隨意畜長衣常不失三衣數數食
別衆食過中不白善比丘入聚落若檀越請
食食前食後隨意至餘處有住處無住處得
迦織那衣施物應屬安居比丘餘比丘不應
分是故名受與上相違是名不受捨者有八
事捨迦織那衣一者衣足時二者衣成時三

廿五

十一

者去時四者聞時五者失六者發心七者出
界八者捨時是名爲捨不捨者與上相違是
名不捨可分物者若物諸比丘現前應分何
等是除死比丘重物餘輕物是名可分物不
可分物者若物諸比丘現前不應分何等是
除死比丘衣物餘重物是五事不可分不可

取若衆僧若三人若二人若一人不應分何
等五僧伽藍地房舍地僧伽藍房舍牀卧具
是名不可分輕物者可分物是故名輕物重
物者不可分物是故名重物屬物者若在聚
落若空處屬他若男若女若黃門若二根是
名屬物不屬物者若物在聚落空地不屬他
若男若女若黃門若二根是名不屬物手受
物者若物從他受用何等是一切入口物除
水及齒木是名手受物非手受者若物不從
他受中用何等是一切所用衣鉢等不入口
物及水齒木是名不手受物人物者佛聽僧
坊使人佛圖使人是人屬佛圖屬衆僧是名
人物非人物者佛聽象馬駱駝牛羊驢騾屬
佛圖屬僧是名非人物因緣衣者若般遮干
瑟等諸大會中得是名因緣衣死衣者若五
衆死五衆所應分物是名死衣糞掃衣者五
種糞掃衣不應畜一火燒二牛嚼三鼠嗑四
初嫁女不淨衣五產衣是五種不應畜四種

糞掃衣應畜一塚間衣二往還衣三無主衣四弊納衣是四種應畜是名糞掃衣灌鼻者佛聽眼病比丘畜灌鼻筒如畢陵伽婆蹉等是名灌鼻刀治者若病餘藥所不治佛聽隈處以刀治若病餘藥能治而以刀治得偷蘭遮罪是名刀治活帝治者佛言若比丘病餘藥不能治聽活帝若餘藥能治而以活帝治得偷蘭遮罪是名活帝治剃毛者除鬚髮身上餘毛不應剃若剃得突吉羅是名剃毛剃髮者不得移處剃應一處剃是名剃髮故用者如比丘五種子五種淨應用八種漿以水淨十種衣三種壞色是名故用果蔬者毗耶離諸比丘多有果蔬諸比丘各自恣噉佛言作分分與是中一比丘取二三人分有噉不盡者不得者是時闍諦佛言從今日諸果蔬不應分若有淨人受取以五種比丘淨法以火刀爪鸚鵡若不生子淨應噉人用物者人間若金銀琉璃頗梨牀榻器物比丘不應坐

廿五

十一

不應用是名人用物非人用物者天上金銀琉璃頗梨地牀榻器物比丘應行應坐應用是名非人用物五百人集毗尼者佛初滅度後五百比丘和合一處集一切修多羅一切毗尼一切阿毗曇是名五百人集毗尼七百人集毗尼者佛滅度後百一十歲毗耶離十事出非法非毗尼非佛教是十事不入修多羅毗尼中與法相違威儀相違是十事七百比丘和合一處滅是名七百人集毗尼毗尼攝者二部波羅提木叉井義解毗尼增一餘殘雜說若共若不共是名攝毗尼墨印者四墨印如經中說四大印亦如經中說問佛何

廿五

十三

以故說是四墨印答欲說真實佛法相故來世比丘當了了知是佛說是非佛說是故說墨印何以故說四大印爲成就大事不令諸比丘錯謬故說四大印合藥者諸根藥莖藥葉藥華藥果藥是藥草各各差別和合是名和合藥和合藥者即日受時藥受時分藥受

七日藥受盡形藥共合一處時應服過時不得服即日受時分藥受七日藥盡形藥共和合一處時分應服過時分不應服即日受七日藥受盡形藥共和合一處七日應服過七日不應服若盡形壽藥隨意應服即日受時藥即日受時分藥七日藥盡形藥共和合一處不應服即日受時分藥即日受七日藥盡形壽藥共和合一處不應服即日受七日藥即日受盡形壽藥共和合一處不應服是名和合法問時分七日盡形壽得宿受不答不得惡捉不受得受不答不得手受口受病得服不答不得手受口受病得服不答得僧坊淨法者若五寶若似五寶在僧坊內比丘取時應作是念此誰物當還是名僧坊淨法林淨法者林名衆多樹一處是中應隨上座取是名林淨法房舍淨法者僧坊中多有別房舍是中應隨上座取次第應住是中隨檀越分處供養應受是名房舍淨法時淨法者

飢餓時老病時因緣時佛有所聽是名時淨法方淨法者如比丘閻浮提即至瞿耶尼用閻浮提時瞿耶尼食三方亦如是是名方淨法國土淨法者得神通諸比丘至惡賤國土乞食是比丘先從惡賤人受食噉此人心悔我等墮不淨數便不復與是人持食於比丘前棄地而去諸比丘不知云何佛言從今日至惡穢國土棄食著地得自取食隨國二法故如邊地持律第五得受具足戒阿葉摩伽阿槃提國土聽著一重革屣常洗浴皮襪覆如寒雪國土中聽畜俗人鞞故是名國土淨法衣淨法者佛聽著十種衣何等十種衣白麻衣赤麻衣芻摩衣憍施耶衣翅夷羅衣欽跋羅衣劫貝衣鉢兜路衣頭頭邏衣俱遮羅衣是名淨衣法具足戒竟

自恣布薩

自恣法者安居比丘應一處和合衆僧應三種自恣若見若聞若疑問何以故佛聽自恣

廿五

十四

答以攝衆僧故好惡相教化故爾時出過罪如法得清淨是名自恣法與自恣者病比丘不能來應與自恣若不病比丘自恣時不來得突吉羅罪若是比丘畏失命若破戒若八難中一一難起不得止應與自恣是名與自恣受自恣法者若比丘從他比丘受自恣界內應受若畏失命破戒若八難中一一難起爾時應出界去是名受自恣法說自恣法者比丘從他受自恣到僧中應說若不說得突吉羅若受自恣人睡眠若入定若八難中一一難起不說無罪是名說自恣法

布薩法者半月半月諸比丘和合一處自籌量身晝作何罪夜作何罪從前說戒已來將不作罪耶若有罪當向同心淨戒比丘如法懺悔若不得同心淨戒比丘當生心我後得同心淨戒比丘當如法懺悔問何以故佛聽作布薩答令諸比丘安住善法中捨離不善離不善法得清淨故是名布薩法與清淨法

者布薩時病比丘不能來應與清淨若能來而不來得突吉羅若是比丘畏失命若破戒若八難中一一難起不得已與清淨是名與清淨法受清淨法者若比丘從他比丘受清淨界內應受苦是比丘畏失命破戒若八難中一一難起爾時應出界去是名受清淨法說一十五

甘五
清淨者比丘受他清淨到僧中說者善若不說得突吉羅若受清淨人若睡眠若入定若八難中一一難起不說無罪是名說清淨法欲法者欲名發心如法僧事中隨僧法與欲是名欲法與欲法者若比丘病不能來應與欲若不病能來而不來得突吉羅若比丘畏失命畏破戒若八難中一一難起不得止故與欲得來而不來得突吉羅罪與欲者應言比丘與欲來若言與是名得欲若身業與是名得欲若口業與是名得欲若身口業不與不名得欲應將是比丘來僧中若不來應一切僧就是比丘諸比丘不應別作羯磨若別

作羯磨諸比丘得罪是名與欲法受欲法者
若比丘從他比丘受欲界內應受若是比丘
畏失命畏破戒若八難中一一難起應出界
去是名受欲法說欲法者受欲比丘到僧中
應說彼比丘欲若說者善若不說得突吉羅
罪若是比丘若睡眠若入定若八難中一一

法與欲清淨法者若比丘病不能來應與欲
清淨若不病能來應到僧中布薩羯磨處若
無病能來而不來得突吉羅若是比丘畏失
命畏破戒若八難中一一難起不得止故應
與欲清淨比丘應語他比丘與欲清淨來若
言與是名得欲清淨若身業與亦名得欲清
廿五

十六

難起不說無罪是名說欲法清淨法者比丘
語他我清淨無罪是名清淨法與清淨法者
若比丘病不能來應與清淨若無病能來而
不來得突吉羅若比丘畏失命畏破戒若八
難中一一難起不得止故應與清淨與清淨
法者語比丘言與清淨來若言與是名得清
淨若身業與是名得清淨若口業與是名得
清淨若不以身口業與是名得清淨應將是
比丘來僧中若不來一切僧應就是比丘說
比丘不應別作布薩若別作諸比丘得罪是
名與清淨法欲清淨法者若布薩時僧欲作
種種羯磨爾時應俱與欲清淨是名欲清淨

淨若口業與是名得欲清淨若不以身口業
與不名得欲清淨應將是比丘到僧中若不
能來一切僧應就是比丘諸比丘不應別作
布薩羯磨若別作諸比丘得罪是名與欲清
淨法受欲清淨法者比丘欲受他欲清淨應
界內受若畏失命畏破戒若八難中一一難
起應出界去是名受欲清淨法說欲清淨法
者受他欲清淨者應到僧中說是彼比丘欲
清淨若說者善若不說得突吉羅是比丘若
睡眠若入定若八難中一一難起不說無罪
是名說欲清淨法
起塔法者給孤獨居士深心信佛到佛所頭

面禮足一面坐白佛言世尊世尊遊行諸國土時我不見世尊故甚渴仰願賜一物我當供養佛與爪髮言居士汝當供養是爪髮居士即時白佛言願出尊聽我起髮塔爪塔佛言聽起髮塔爪塔是名起塔法塔地者屬塔地者園田穀田於中初起塔是名塔地龕塔法者佛聽作龕塔柱塔佛廣聽一切作塔是名塔法塔物無盡者毗耶離諸賈客用塔物翻轉得利供養塔是人求利故欲到遠處持此物與比丘言長老是塔物汝當出息令得利供養塔比丘言佛未聽我等出塔物得利供養塔以是事白佛佛言聽僧坊淨人若優

廿五

十一

婆塞出息塔物得供養塔是名塔物無盡供養塔法者所應供養塔若白色赤色青色黃色諸色等聽供養塔及諸嚴飾具是名供養塔法莊嚴塔法者所應莊嚴塔若金剛座高堂高樓重閣懸諸寶鈴光相瓔珞繒幡華蓋金銀真珠碑碣碼瑙瑠璃頰梨等種種寶物如是等妙莊嚴具應供養塔是名莊嚴塔法華香瓔珞法者所應供養塔華香抹香塗香華瓔珞寶瓔珞羅列然燈作衆妓樂香塗牆壁分布香奩應布華香香油灑地是名華香瓔珞法堅法者比丘隨所住房是中隨檀越分處應受供養是名堅法堅堅法者若檀越與比丘飲食井衣被以是因緣捨離二事數數食別衆食是名堅法粥法者佛聽食八種粥酥粥油粥胡麻粥乳粥小豆粥摩沙豆粥麻子粥清粥啜時不得作聲是名粥法噉法者佛聽九種噉根噉莖噉葉噉磨噉果噉胡麻噉石蜜噉蜜噉白蜜噉噉時勿令大作聲是名噉法舍消法者佛聽四種舍消酥油蜜石蜜比丘食是四舍消時應作是念我以治病因緣故舍不爲美味是名舍消法食法者佛聽食五種食餅麩糒魚肉比丘食是食應生厭心爲存身命故念莫墮數數食別衆食又作是念受殘食想是名食法鉢法者佛

聽畜二種鉢瓦鉢鐵鉢八種鉢不應畜金鉢
銀鉢瑠璃鉢摩尼鉢銅鉢白鐵鉢木鉢石鉢
是名鉢法衣法者七種衣不須作淨得自畜
僧伽梨鬱多羅僧安陀會雨浴衣覆瘞衣尼
師壇及餘如法所用衣物是名衣法尼師壇
法者佛聽畜尼師壇爲愛護卧具故無尼師
壇不應坐僧卧具上是名尼師壇法鍼法者
佛聽畜二種鍼銅鐵鍼糠鼻小豆鼻圓鼻是
名鍼法鍼筒法者佛聽畜鍼筒爲愛護鍼不
令數失更求覓妨行道故是名鍼筒法水瓶
法者佛聽畜水瓶好淨潔畜是名水瓶法常
用水瓶法亦應淨潔畜水瓶水蓋亦如是是
名常用水瓶者

和尚法者諸比丘無和尚則作諸弊惡若病
無人瞻視是故佛聽有和尚和尚當教化瞻
視爲汝說法佛雖聽作和尚諸比丘不欲作
和尚佛教令作和尚是名和尚法共行弟子
法者所欲出行應白和尚行時隨和尚後供

給所須常隨逐不遠離如法事中莫違逆意
一切所作皆應白和尚除大小便齒齒木禮
佛法僧是名共行弟子法阿闍梨法者諸比
丘無阿闍梨作諸弊惡若病無人瞻視是故
佛聽有阿闍梨阿闍梨當教化瞻視爲說
法佛雖聽作阿闍梨諸比丘不欲作阿闍梨
佛教化今作阿闍梨是名阿闍梨法近行弟
子法者所欲出行應白阿闍梨行時應隨阿
闍梨後供給所應須當隨逐不遠離如法事
中莫違逆意一切所作皆應白阿闍梨除大
小便齒齒木禮佛法僧是名近行弟子法和
尚阿闍梨共行近行弟子法者和尚阿闍梨
於共行近行弟子應生兒子想共行近行弟
子於和尚阿闍梨應生父想汝等能如是者
於我法中增長善法是名和尚阿闍梨共行
近行弟子法沙彌法者佛聽沙彌極小乃至
七歲能驅食上鳥者是名沙彌法

依止法者有一客比丘未滿五歲日暮來入

僧坊求依止父而不得迷悶躋地垂死諸比丘以是事白佛佛言從今日莫即日急求依止聽一宿息已當求依止爾時諸比丘不問好惡趣得依止不能增長善法佛言莫趣得依止當觀是比丘能教化弟子令善不如是觀察具足是功德者當求依止若無具足功德者當更求依止是名依止法與依止法者比丘若滿十歲應與依止法滿十歲鉢根不了不應他依止是名與依止法受依止者比丘應從坐處起偏袒著衣脫革屣胡跪曲身兩手提上座兩足應三說求依止是名受依止法捨依止法者有五因緣捨依止一師波那彌二自捨住處去三反戒四捨此部到異部中五見本和尚是名捨依止法地法者隨應何地欲起塔僧坊先應看是地中作不妨行來處樹林具足水具足晝夜靜寂少蚊蟲少風少熱少諸毒蝎如是觀察地已起塔僧坊若不觀察是地起塔僧坊者治塔僧坊比

丘得尖吉羅是名地法僧坊法者佛聽諸僧坊中溫室講堂樓閣一重舍尖頭舍健那舍佛聽是諸房舍衆僧畜亦聽一人畜是名僧坊法卧具法者佛所聽諸比丘卧具鹿牀繩牀細牀繩牀枕卧具種種覆處佛聽衆僧畜亦聽一人畜是名卧具法治塔僧坊法者阿羅毗國諸塔僧坊毀壞佛知已故問阿難是諸塔僧坊何以故毀壞阿難言諸六羣比丘欲治故餘比丘畏不敢治佛言此六羣比丘所欲治塔僧坊衆僧應羯磨與餘人治者亦與受羯磨比丘少多造手或著一土塹或以一束草或塞一孔或塗地泥壁或以牛糞塗地塗壁如是少多作已言我更不築作佛言如是人不應與作羯磨若是比丘能大作功德修治者應與治塔僧坊羯磨是名治塔僧坊法治塔僧坊人法者若比丘欲新起塔僧坊新作卧具佛言以是事故僧應令十二歲悉捨餘事當隨事大小或十一歲十歲九歲

八歲七歲六歲五四三二一歲應捨餘事但令累壁構架材木泥覆汙飾是名治塔僧坊人法恭敬法者隨上座次第禮拜迎來送去合掌曲身上座邊立是名恭敬法澡豆法者佛聽用小豆大豆摩沙豆碑豆胡豆屑一梨頻陀等乾草屑莫雜香作除病人餘不聽用

若不索檀越自與隨意得用是名澡豆法漿法者佛聽八種漿等比丘應飲照梨漿莫梨漿拘羅漿舍梨漿舍多漿蒲桃漿頗樓沙漿梨漿是八種漿等以水作淨應飲是名漿法藥法者根藥莖藥葉藥華藥果藥佛聽是藥草聽僧畜亦聽一人畜是名藥法蘇毗羅漿法者佛聽飲蘇毗羅漿爲冷病比丘故如爲舍利弗故聽飲是名蘇毗羅漿法皮革法者若諸皮韋比丘不應畜著不應坐除富羅除革屣除富羅帶革屣帶除摩拭皮及鹿皮除革屣剛細是名皮韋法革屣法者佛聽二種革屣一重革屣破慢淨革屣若雜色莊嚴革

屣不應畜是名革屣法支足法者佛聽二種支足物一者廁蹬二者支牀脚物八種支足物不聽用是名支足法机法者若動搖若有聲若莊嚴如是机不應畜是名机法杖法者佛聽杖攢若鐵若銅爲堅牢故上作樓環又杖法者佛在寒園林中住多諸腹行毒蟲嚙

廿一

諸比丘佛言應作有聲杖驅遣毒蟲是名杖法杖囊法者佛聽以絡囊盛杖爲愛護故莫令破失更求覓妨行道故是名杖囊法致蒜法者佛聽冷病比丘噉蒜以藥和蒜如舍利弗等隨噉蒜法應行是名噉蒜法剃刀法者佛聽衆僧畜剃刀一人亦畜爲剃鬚髮故是各剃刀法剃刀鞘法者佛聽諸比丘畜剃刀鞘爲掌護莫令失更求覓妨行道故戶鉤法者佛聽畜戶鉤爲守護房舍守護房舍故則守護自身守護自身故則守護卧具若鎖若戶店鑰鑰等亦如是是名戶鉤法乘法者佛聽眼病諸比丘乘乘如畢陵伽婆蹉是名乘

法蓋法者不應捉蓋入白衣舍除寫蓋持入是名蓋法扇法者佛聽衆僧畜扇一人亦畜是名扇法拂法者佛聽衆僧畜拂一人亦畜是名拂法鏡法者比丘不應鏡中觀面不應鉢中水中自看面除面上有瘡是名鏡法治眼法者有五種治眼物黑物青白物屑草屑

華屑果汁佛言莫爲端嚴故治眼爲治眼病故是名治眼法治眼籌法者佛聽治眼籌以鐵作銅作貝象牙角木瓦作是名治眼籌法盛眼藥籌物法者是物應好掌護莫令失更求覓妨行道是名盛眼藥籌物法華香瓔珞法者比丘自不得著亦不聽教他人著若不克而得應隨意受已持供養佛塔及阿羅漢塔是名華香瓔珞法歌儻妓樂法者歌儻伎樂比丘自不應往觀亦不應教他人往觀是事一切不聽是名歌儻妓樂法卧法者無病比丘晝日不應卧夜若然燈燭不應卧若喜鼾眠應起經行若不能起應屏處去莫以是

因緣惱亂餘人是名卧法坐法者比丘晝日若坐若經行以遮惱蓋法晝日若坐若經行遮惱蓋已初夜若坐若經行亦以遮惱蓋法初夜若坐若經行遮惱蓋已至中夜息故入房舍四牒敷鬱多羅僧僧伽利枕頭下右脅著牀累足明相現前憶念起想後夜早起若

廿五

廿三

坐若經行遮惱蓋法是名坐法禪杖法者佛聽法杖及安法杖處爲掌護莫令失更求覓妨行道是名禪杖法禪帶者佛聽腰病比丘畜禪帶如爲舍利弗故聽畜是名禪帶法禪帶法者佛聽三種帶繩織帶辯帶毳繩帶是名帶法衣繩帶法者佛聽衣繩帶爲攝衣令不墮落應好掌護莫令失更求覓妨行道故是名衣繩帶法抄繫衣法者除上高作餘時不應抄繫是名抄繫衣法挑擲法者佛聽挑擲作聲爲恐賊故莫令著餘時不得作是名挑擲法地法者佛聽受地爲僧伽藍故聽僧起房舍故林者林名衆樹事者各闢亂相言

謗謗出罪過名共相憎共相別離如是於自身惡亦令他惡亦二惡故不應作如是等種種衰惱事一切不應作破僧有二種破羯磨破法輪僧破羯磨者若諸比丘一界內別作布薩羯磨是名破羯磨破法輪者輪名八種聖道分令人捨入聖道入邪道中是名破輪

是名二種破僧如是應看和尚阿闍梨看上座中座下座如上所說法應學如上所說法

中亦應善知羯磨及行法

行法者擯比丘云何行諸比丘應教擯比丘捨是惡事擯比丘不應與他受具足戒不應與他依止不應畜沙彌衆僧不應羯磨是人

廿五

廿三

令教化比丘尼若僧羯磨作教化比丘尼是人不應受不應重犯所擯罪又不應作相似罪過本罪亦不應作不應呵羯磨不應呵作羯磨人不應受不擯比丘禮拜亦不應受起迎不應受合掌曲身恭敬不應受衣鉢供養不應受敷卧具坐具供養不應受洗足水供

養不應受拭足供養不應受承足杌不應受案摩手足不應出不擯比丘過罪不應言不擯比丘不應共事常行自折尼心隨順諸比丘應禮拜迎送種種供養若不如是法行盡形不得解擯是名擯比丘行法種種不共住行法云何種種不共住有二種一自作不共住二衆僧羯磨作不共住種種不共住比丘不應與他受具足戒不應與他依止不應畜沙彌衆僧不應羯磨令教化比丘尼若僧羯磨作教化比丘尼不應受不應犯本所作種種不共住罪亦不應犯相似罪亦不應作過本罪不應呵羯磨亦不應訶作羯磨人不應受不別住比丘禮拜不應受起迎合掌曲身種種供養不應受衣鉢供養不應受所敷坐具卧具供養不應受洗足水承足杌案摩手足等供養不應出不別住比丘過罪不應言不別住比丘不應共事僧不應羯磨作敷卧具人若僧羯磨作不應受僧羯磨作使沙彌

人不應受僧若羯磨不應作僧若羯磨作使
守園人不應受僧若羯磨不應作若僧羯磨
作處分受請人不應受若僧羯磨不應作一
切羯磨作典知衆事人不應受若僧羯磨不
應作應折伏心行莫犯諸比丘更
增種種不共住諸比丘應語是比丘言長老
當折伏惡心下意除去瞋恨破憍慢莫令衆
僧合種種不共住罪驅汝去處處皆不容汝
汝應在此衆僧中懺悔此罪汝此罪此僧能
解餘處僧不得解若是人聞是語心不折伏
當驅遣如惡馬拔羈繫逸去是種種不共住
比丘行法闡賴吒比丘行云何有二十二法

廿五

二十四

當知是利根多聞何等二十二善知事起根
本善分別事相善知事差別善知事本末善
知事輕重善知除滅事善知滅事更不起善
知作事人有事人有教勑力能使人受力有
方便輒語力亦能使人受有自折伏力亦能
使人受知慚愧心不橋慢無橋慢語身口意

業無所偏著不隨愛行不隨瞋行不隨怖行
不隨癡行成就是二十二法能遏諱事不依
二伴黨求法求財是名闡賴吒比丘行法實
覓罪相行者若比丘自言我有是罪後還言
無是比丘以白四羯磨與實覓罪相廣作羯
磨如象手比丘若比丘得是覓實罪相羯磨
是比丘亦不應與他受具戒不應與他依止
不應畜沙彌衆僧不應羯磨令教化比丘尼
若僧羯磨作教化比丘尼不應受不應起本
所作罪亦不應犯相似罪亦不應作過本罪
不應呵羯磨亦不應呵作羯磨人不應受淨
戒比丘禮拜不應受起迎合掌曲身種種供
養不應受衣鉢供養不應受所敷坐具卧具
等供養不應受洗足水承足机案摩腰背手足
比丘常行自折伏心隨順諸比丘應禮拜迎
送種種供養若不如是法行盡形不得解是

沙彌行法者若比丘作姪欲已乃至彈指頃
不生覆藏心衆僧以白四羯磨還與是比丘
學法廣說如與難提是名與學沙彌大比丘

戒一切應持應在大比丘下行坐應授大比
丘飲食自應從未受大戒人受飲食得與大
比丘同室再宿自不得與未受大戒人過再

宿是與學沙彌得作二羯磨布薩羯磨自恣
羯磨是與學沙彌不得與衆僧足數作布薩
及諸羯磨是名波羅夷與學沙彌行法

十誦律卷第五十五

廿五

羸力垂羈繫上居諭謗上音捺雜藕偶人禪

下蒲米反

菱芟上音陵般遮干瑟般音鉢嚼才約

下音儉

婆蹉下音何反隈處上烏回反錯謬

下音啜

兄迎龕苦含精音備奩音啜

下音啜

白鎧答反鍼針稼音啜

下音啜

子廉勝蒲米反土鑿下音搆架

下音搆

汚碑豆上步迷反肩先節廁蹬下音

下音肩

反

十誦律卷第五十六

廿六

姚秦三藏弗若多羅共三藏鳩摩羅什譯

善誦第十誦之二

僧上座法者上座法若僧唱時若打犍椎時
應疾到座坐已看上中下座莫令失次教令
相近坐應示相若不覺應彈指向若彈指不
覺應語比座應徐徐軟語若飲食時上座應
教一切等與應待唱僧跋一切衆僧應隨順
上座是名僧上座法僧坊上座法者若僧坊
破壞是上座應自治若使人治若不見比丘
應推覈若有病比丘應看視問訊若無看病
人應與看病人若僧差看病人是人不肯應

管蒜音刀鞘笑下音戶居下音鑄鑰上音須乘
乘上平軒聲並虛簾業反辨蒲大纓玄犬反掉
徒下音軒聲並虛簾業反割於割反